

თავრობის შეხვედრა საზოგადოებასთან ნინ გადადგმული ნაბიჯი თუ მორიგი ფორმალობა?



28 ივლისს ბათუმის შოთა რუსთაველის უნივერსიტეტში აჭარის ავტონომიური რესპუბლიკის მთავრობა საზოგადოებას შეხვდა. შეხვედრაზე აჭარის არ სამინისტროებმა საზოგადოებას 2009-2011 წლების სტრატეგიული განვითარების გეგმები წარუდგინეს. შეხვედრას ესწრებოდნენ აჭარის მთავრობის თავმჯდომარე, ლევან ვარშალომიძე, აჭარის უმაღლესი საბჭოს თავმჯდომარე მისიულ მასარაძე, აჭარის მინისტრთა კაბინეტი, სამოქალაქო საზოგადოების წარმომადგენლები, მუნიციპალიტეტების საკრებულოების თავმჯდომარეები, გამგებლები და მისასხლავი.

ეს იყო პირველი პრეცედენტი, როდესაც აჭარის ავტონომიური რესპუბლიკის მთავრობა, უმაღლესი საბჭო, მინისტრები, სამინისტროების წამყვანი დეპარტამენტების ხელმძღვანელები დიალოგისათვის შეხვედრის საზოგადოების წარმომადგენლებს.

შეხვედრის საუფუძველი იყო იმ სტრატეგიული გეგმების განხილვა, რომლებიც უშAID—ს, საჯარო დაწესებულებების რეფორმირების პროგრამის“ ფარგლებში აჭარის ავტონომიური რესპუბლიკის სამინისტროებმა და დეპარტამენტებმა შეიმუშავეს.

შეხვედრა კარგად იყო ორგანიზებული. შეხვედრაზე წარმოდგენილი გახლდა ყველა მხარე, რომელიც დაინტერესებულია სამინისტროების სტრატეგიული გეგმით (მეცხე, არასამთავრობო სექტორი, უნივერსიტეტი, ბიზნეს სექტორი, სტუდენტები და ა.შ.). ამავე დროს დამსწრე საზოგადოებას საშუალება ჰქონდა უშუალოდ სამინისტროების ხელმძღვანელებისაგან და თავად მთავრობის თავმჯდომარისაგან მოესმინა ინფორმაცია მათი გეგმების შესახებ, დაესვა კითხვები და მიიღო პასუხები კითხვებზე, რომელიც საზოგადოებას გაუჩნდა. შეხვედრას ჰყვავდა მედიატორები, რომლებიც უფრო მოქნილს და ეფექტურ ხდოდა შეხვედრას.

აჭარის ავტონომიური რესპუბლიკის მთავრობის თავმჯდომარე, ლევან ვარშალომიძე: „ეს არის პირველი პრეცედენტი, სადაც მთლიანად სამინისტროები წარსდგა სტრატეგიული გეგმით საზოგადოების წინაშე. გეგმა ისახავს თუ როგორ იქნება აჭარა 2012 წელს, თავისი სექტორების და სამინისტროების მიხედვით, რამდენი საშუალო ადგილი შეიქმნება, რამდენი სანარმო განვითარდება და კონკრეტულად საით მიდის თითოეული სამინისტრო. აი ეს არის მიზანი და ერთიანი ნიშნობა მნიშვნელოვანია, რომ საზოგადოების უმეტესი ნაწილი იყოს ჩართული, მათი რეკომენდაციების და კონსულტაციების საფუძველზე მოხდეს ერთობლივი პროექტების შექმნა, რომელიც ყველასათვის იქნება საზოგადოებრივი. ჩვენ ამით ვეწინააღმდეგებით, რომელიც პიროვნებებზე კი არ იქნება მორგებული, არამედ

იმუშავებს იმისათვის, რომ რეგიონი იყოს ძლიერი.“
შეხვედრას დადებითად აფასებს ახალგაზრდა მეცნიერთა კავშირი „ინტელექტი“-ს გამგეობის თავმჯდომარე, ლევან გობაძე: „თუ უახლოეს წარსულს გადავხედვით თვალს, ეს ყო პირველი საჯარო ღონისძიება, რომელიც დაიგეგმა და მოეწყო აჭარის ავტონომიური რესპუბლიკის ხელისუფლების მიერ და რომელშიც ყველა სახეისისფერებში სტრუქტურა მონაწილეობდა. თავად ფაქტი, რომ ერთი ნაბიჯი გადავდგა დიალოგისათვის - მისასდგომელია. ჩვენი, არასამთავრობო სექტორის წარმომადგენლებს სახელისუფლებო სტრუქტურებთან თანამშრომლობის არა ერთი მცდელობა გვქონდა, მთავრობის თავმჯდომარესთან ერთ-ერთი შეხვედრის შემდეგ თანამშრომლობის შესახებ შემორანდუმივ კი შევიძუშავეთ, მაგრამ ჩვენს წინადადებებს არც ერთხელ გამოხმაურება არ მოჰყოლია. ფიქრობ, რომ ამ ღონისძიების შემდეგ სიტუაცია მნიშვნელოვნად შეიცვლება. საწყენია, რომ საკუთარ მთავრობას საზოგადოებასთან ურთიერთობისათვის შუამავალი ესაჭიროება, თუნდაც USAID-ს სახით, მაგრამ ასეთი სახის დიალოგები ქვეყნისთვის უფრო მეტი სიკეთის მომტანია, ვიდრე დაპირისპირება. მთავარია ეს შეხვედრა არ დარჩეს მორიგ ფორმალურ შეხვედრად, ვილაციისთვის ქულების და კარგი ანგარიშის დაწერის საფუძველად და მან რეალურ, საშუალო შეხვედრების ფორმატში გააგრძელოს არსებობა.“

რაც შეეხება ფინანსთა და ეკონომიკის სამინისტროსთან გაფორმებულ მემორანდუმს, თავიდან უკმაყოფილო ვიყავი მემორანდუმის ხელმოწერის შემდგომი პერიოდით. მემორანდუმში დაფიქსირებულმა თანამშრომლობის სურვილმა ვერ პოვა პრაქტიკული რეალიზაცია. მიუხედავად იმისა, რომ ცალკეული ორგანიზაციების მიერ თანამშრომლობის მცდელობები იყო, ვერ მოხერხდა მთლიანად მემორანდუმის ხელმოწერა არასამთავრობო ორგანიზაციების ვეჯუფთან საშუალო შეხვედრების გამართვა და თანამშრომლობის პრაქტიკის დამკვიდრება.“

რაც შეეხება შემუშავებულ სტრატეგიულ გეგმებს, რომლებიც ამ საჯარო შეხვედრაზე იყო წარმოდგენილი, მინდა გამოვიყენო ფინანსთა და ეკონომიკის სამინისტროს მიერ შემუშავებული სტრატეგიული გეგმა, რომელიც ყველაზე დახვეწილი იყო. შეიძლება ეს სუბექტური აზრია და გამოდინარეობს იქიდან, რომ ჩვენი ორგანიზაცია ძირითადად საბიუჯეტო და ეკონომიკურ საკითხებზე მუშაობს. საკმაოდ კარგი პროგრამა ჰქონდა წარმოდგენილი სოფლის მეურნეობის სამინისტროსაც, შედარებით სუსტი იყო განათლების, კულტურისა და სპორტის სამინისტროს სტრატეგიული გეგმა, მაგრამ ძირითადად ეს არის მნიშვნელოვანი წინ-

ადადგმული ნაბიჯი. სტრატეგიული გეგმების დახვეწა უკვე ჩვეულებრივი მუშა პროცესია, რომლის დროსაც ძირითადი სტრატეგიული ნაზის შეუცვლელად შეიძლება მისი ცალკეული კომპონენტების დახვეწა. რა შედეგებს მივიღებთ, ამას დრო გვიჩვენებს. მინდა ერთხელ კიდევ აღვნიშნო, რომ მთავარია პროცესი, რომელიც დაიწყო უნივერსიტეტში სამინისტროების სტრატეგიული გეგმების პრეზენტაციით, არ დარჩეს ერთგვარად ღონისძიება და თანამშრომლობა შემდგომში გაგრძელდეს. ასეთ თანამშრომლობას ბევრი ფაქტორი განაპირობებს. უპირველეს ყოვლისა ეს არის პოლიტიკური ნება ხელისუფლების მხრიდან. უნდა ვივარაუდოთ, რომ რადგანაც თანამშრომლობის შესახებ მემორანდუმები გაფორმდა და პირველი საჯარო განხილვები შედგა - ეს პოლიტიკური ნება არსებობს. მეორე ფაქტორი არის იმ კონკრეტული საკითხების და სფეროების განსაზღვრა, რომლებზეც შეგვიძლია მესამე სექტორის წარმომადგენლებმა ეფუძნით სახელმწიფო უწყებებთან. აქვე დგება საკითხი არასამთავრობო ორგანიზაციების სპეციალიზაციისა და კომპეტენციის იმ საკითხებში, რა საკითხებზეც იგეგმება თანამშრომლობა.“

უნივერსიტეტში გამართულ შეხვედრაზე მონაწილე არ იყვნენ მხოლოდ არასამთავრობო ორგანიზაციები. აქ იყვნენ წარმოდგენილი საზოგადოების თითქმის ყველა ფენა - ბიზნეს სექტორის წარმომადგენლები, პედაგოგები, ლექტორ-მასწავლებლები, სტუდენტები და დაინტერესებული საზოგადოება. რადგან ეს ადამიანები ასეთი პიტის შეხვედრაზე მოვიდნენ ნიშნავს, რომ მოქალაქეების მხრიდან ინტერესი ასეთი შეხვედრების მიმართ არსებობს. საზოგადოებას სურს იყოს ინფორმირებული. დასვას კითხვები და მიიღოს ამომწურავი პასუხები მათთვის საჭირობო საკითხებზე. ვერ ვიტყვი, რომ ყველაფერი ცუდად ეყოფება, ბევრი რამ კარგად ეყოფება, მაგრამ არის მომენტები საზოგადოების არაინფორმირებულობისა. მთავრობამ უნდა განმარტოს ამა თუ იმ სტრატეგიული გადაწყვეტილების მიღების საფუძველები, რადგანაც ხშირ შემთხვევაში, ეს გადაწყვეტილებები ჩვენთვის გაუგებარია. სტრატეგიული გადაწყვეტილებების მიღება, სხვადასხვა მსხველი პროექტების განხორციელება უნდა ეფუძნებოდეს ფართო საჯარო განხილვებს, რადგანაც ეს გადაწყვეტილებები ცვლიან გარემოს, რომელშიც ჩვენ ვცხოვრობთ. შესაბამისად, ასეთ განხილვებში საზოგადოების მონაწილეობა აუცილებელი და მნიშვნელოვანია.“

სამოქალაქო საზოგადოების ინსტიტუტის ბათუმის წარმომადგენელი ნათია აფხაზავა თვლის, რომ მისთვის თავად ფაქტი მისაღები იყო, მაგრამ შეხვე-

დრა საკმაოდ ფორმალური, რომლის მიზეზადაც საზოგადოების პასიურობას და სახელმწიფოს მხრიდან შედარებით დაბალი ინტერესობას ასახელებს. „რა იყო ამ შეხვედრის მიზანი? თუ მხოლოდ ის, რომ მომხდარიყო სამინისტროების და დეპარტამენტის სტრატეგიული გეგმის პრეზენტაცია, მაშინ შეიძლება ითქვას, რომ შეხვედრა შედგა, მაგრამ უფრო დიდი შედეგისთვის უნდა მოხდეს დეტალური პრაქტიკული, სტრატეგიული გეგმების განხორციელების გარეშე ყურადღების მიქცევა და დაინტერესების შემთხვევაში მონაწილეობის მიღებაც კი.“

თუ წინასწარ არ იცნობდი სტრატეგიული გეგმას, მარტო ამ ერთი შეხვედრით რთული იყო მისი სრულყოფილად გაეცნობა, იმ ათწლიანი პრეზენტაციის მოხსენების დროს, რომელიც თითოეულ სამინისტროს ქონდა იმისათვის, რომ სტრატეგიული გეგმა წარედგინა დამსწრე საზოგადოებისათვის. შემდგომში კითხვა-პასუხის რეჟიმში შესაძლებელი გახდა უფრო სიღრმისეულად გაეცნობოდი მას. არასამთავრობო ორგანიზაციებს სამინისტროებმა სტრატეგიული გეგმები წინასწარ მოგვანოდეს და შეიძლება ითქვას შემუშავების პროცესში ვიყავით ჩართული, მაგრამ შეხვედრას ესწრებოდნენ პირები, რომლებიც პირველად იმხედდა და მათთვის რამდენად სრულყოფილად იქნა წარმოდგენილი სტრატეგიული გეგმები ვერ გეტყვით. ვფიქრობ, ყურადღება უნდა გაახვილებინათ სტრატეგიული გეგმის განხორციელების გზებზე და იმ პრობლემებზე, რომელიც შეიძლება წარმოიქმნას განხორციელების პროცესში. ეს უფრო საინტერესოს და შედეგიანს გახდება შეხვედრას, მაგრამ ვერ კიდევ არ არის გეოან, ამის თაობაზე შეიძლება კიდევ ვისაუბროთ.“

მსგავსი სახის შეხვედრები აუცილებელია საზოგადოებისათვის, სწორედ ის პასიურობა, რომელიც ზემოთ ესაზღვრება არის შედეგი იმისა, რომ იშვიათად ესაზღვრება სახელმწიფო საზოგადოებას (ასეთი ფორმატით). სახელმწიფო ანგარიშგადადებული საზოგადოების წინაშე და მათი საქმიანობა უნდა იყოს გამჭვირვალე და მიზანმიმართული, ზემოთ აღნიშნული ფორმატის შეხვედრები კი არის ერთ-ერთი საშუალება იმ ვაკუუმის აღმოსაფხვრელად, რომელიც საზოგადოებას და სახელმწიფოს შორის არსებობს, უზარადად საჭიროა მეტი კონკრეტული და საკუთარი შესაძლებლობების და მიზნების თანხედრა, ანუ შეხვედრა არ უნდა იყოს „ყველაფერი შეგვიძლია“ და ყველაფერი კარგად ეკეთება“ რეჟიმში, უნდა იყოს ვანსალი დიალოგი: მიღწევებზე, პრობლემებზე და შეცდომებზე საუბარი, რომელიც არის დასაბამი სამოქალაქო საზოგადოების ჩამოყალიბების და დემოკრატიული საბუნწიფოს მშენებლობისა.“

ნორმატიული აქტის პროექტი

„ხელვაჩაურის მუნიციპალიტეტში საბიუჯეტო კვლევის ჩატარების, ბიუჯეტიდან დასაფინანსებელი მიზნობრივი პროგრამების შედგენისა და ანგარიშგების ინსტრუქცია“

დასაწყისი ჩანართის წინა ნომერი

2. საკრებულო, თავისი რეგლამენტით დადგენილი წესით განიხილავს პროგრამების პროექტებს, ისმენს გამგებლის, შესაბამის სტრუქტურულ ერთეულების ხელმძღვანელების

მოსხენებებს პროგრამის ცალკეულ საკითხებთან დაკავშირებით, აფასებს პროგრამის პროექტით გათვალისწინებული ღონისძიებების მიზანშეწონილობას.

3. საკრებულოს უბრალო უმრავლესობით შეუძლია მოითხოვოს წარმოდგენილ პროგრამის პროექტში ცვლილებების შეტანა. ასეთ შემთხვევაში საკრებულო გამგებობას განუსაზღვრავს ვადას ცვლილებების პროექტის წარმოსადგენად.

4. ამ მუხლის მე-3 პუნქტით გათვალისწინებულ შემთხვევაში, თუ წარმოდგენილ პროგრამაში ცვლილებების განხორციელება გამოიწვევს ბიუჯეტის პროექტით შესაბამისი პროგრამისათვის გათვალისწინებული ხარჯების შემცირებას ან გაზრდას, საკრებულო ცვლილებების საკითხს იხილავს ბიუჯეტის განხილვისა და დამტკიცებისათვის დადგენილი წესით.

5. საკრებულო ამტკიცებს მიზნობრივ პროგრამებს შესაბამისი წლის ბიუჯეტთან ერთად ბიუჯეტის დამტკიცებისათვის დადგენილი წესით.

მუხლი 8. პროგრამის განხორციელება

1. საკრებულოს მიერ დამტკიცებული მიზნობრივი პროგრამების განხორციელებას უზრუნველყოფს მუნიციპალიტეტის გამგებობა თავისი სტრუქტურული ერთეულების და ტერიტორიული ორგანოების მეშვეობით.

2. პროგრამების დამტკიცებიდან 10 დღის ვადაში გამგებელი ინდივიდუალურ სამართლებრივი აქტით განსაზღვრავს თითოეული პროგრამის განხორციელებაზე პასუხისმგებელ

სტრუქტურულ ერთეულს და ნიშნავს პასუხისმგებელ თანამდებობის პირს. მიზნობრივი პროგრამის სპეციფიკის და კომპლექსურობის გათვალისწინებით, ცალკეული პროგრამების განხორციელება შეიძლება დავალოს ერთ ან რამოდენიმე სტრუქტურულ ერთეულს ერთობლივად. ასეთ შემთხვევაში ერთი პროგრამის ფარგლებში რამდენიმე სტრუქტურული ერთეულის კორდინირებულ საქმიანობას უზრუნველყოფს პასუხისმგებელი თანამდებობის პირი.

3. პროგრამის განხორციელებაზე პასუხისმგებელი თანამდებობის პირი უშუალოდ ხელმძღვანელობს პროგრამის განხორციელებას, კორდინაციას უწევს პროგრამის განხორციელებელი სტრუქტურული ერთეულის/ერთეულების მიერ პროგრამით გათვალისწინებული ცალკეული ღონისძიებების სათანადოდ შესრულებას, გამგებელს აწვდის ინფორმაციას პროგრამის მიმდინარეობის შესახებ, აწვდის კვარტალურ ანგარიშებს. მას ეკისრება უშუალო პასუხისმგებლობა პროგრამის შესრულებაზე.

4. პროგრამების განხორციელებას საერთო ხელმძღვანელობას უწევს გამგებელი, რომელიც პასუხისმგებელია ბიუჯეტით გათვალისწინებული პროგრამების სათანადოდ განხორციელებაზე.

მუხლი 9. პროგრამების შესრულების ანგარიში

1. თითოეულ პროგრამასთან დაკავშირებით პროგრამის განხორციელებაზე პასუხისმგებელი პირები გამგებელს წარუდგენენ პროგრამის შესრულების ყოველკვარტალურ ანგარიშს, რომელშიც ცალკე აღწერილია პროგრამის განხორციელებული ღონისძიებები მათი მოცულობა, პროგრამის მიმდინარეობის შესაბამისობა პროგრამით განსაზღვრული დროის გრაფიკთან, ინფორმაცია არსებული შეფერხებებისა და მათი გამომწვევი

მიზეზების, შესრულებული სამუშაოების ხარისხის შესახებ.

2. ყოველი პროგრამის დასრულების შემდეგ პასუხისმგებელი თანამდებობის პირები გამგებელს წარუდგენენ პროგრამის შესრულების საბოლოო ანგარიშს. ანგარიში უნდა მომზადდეს დანართი №2 ფორმით და მასში დეტალურად უნდა იქნას ასახული პროგრამის განხორციელებით მიღწეული კონკრეტული შედეგები, ასევე შედეგები რომლის მიღწევაც გათვალისწინებული იყო პროგრამით, მაგრამ ვერ იქნა მიღწეული, ფაქტობრივად განხორციელებული ღონისძიებები და ღონისძიებები რომლებიც არ განხორციელდა.

3. პროგრამის შესრულების ანგარიშებს გამგებელი დასამტკიცებლად წარუდგენს საკრებულოს. საკრებულო სათითაოდ იხილავს და ხმათა უმრავლესობით ამტკიცებს თითოეული პროგრამის შესრულების შესახებ ანგარიშს.

4. თუ არსებობს საფუძვლიანი ეჭვი, რომ წარმოდგენილი პროგრამის შესრულების ანგარიშები არ ასახავს რეალურად დამდგარ შედეგებს, ან იკვეთება თანამდებობის პირების მიერ პროგრამით გათვალისწინებული ღონისძიებების არასათანადოდ შესრულების ფაქტები, საეჭვო გარემოებების შესწავლის მიზნით საკრებულო უფლებამოსილია შექმნას დროებითი კომისია ან ასეთი გარემოებების შესწავლა დაავალოს შესაბამის მუდმივმოქმედ კომისიას. კომისია აწვდის დასკვნას, რაც შეიძლება გახდეს შესაბამისი თანამდებობის პირების პასუხისმგებლობის დაყენების საფუძველი.

5. სისხლის სამართლებრივი დანაშაულის ნიშნების გამოვლენის შემთხვევაში კომისია საქმის მასალებს გადაუგზავნის შესაბამის სამართალდამცავ ორგანოებს.

6. თითოეული პროგრამის განხორციელების შესახებ საკრებულოს მიერ დამტკიცებული ანგარიში ქვეყნდება ადგილობრივ პრესაში. ანგარიშის პრესაში გამოგვეყენება უზრუნველყოფს გამგებელი.

მთავრობის შეხვედრა საზოგადოებასთან წინ გადადგმული ნაბიჯი თუ მორიგი ფორმალობა?



ნათია ახვაზა

დასაწყისი პირველი გვერდიდან

აქვე უნდა აღინიშნოს, რომ 2009 წლის თებერვლის ბოლოს აჭარის ავტონომიურ რესპუბლიკაში არსებულმა სამინისტროებმა და სამოქალაქო საზოგადოების ორგანიზაციებმა ხელი მოაწერეს ურთიერთგაგების მემორანდუმებს. ცელა სამინისტროსთან გაფორმდა ინდივიდუალური მემორანდუმები, რომლებიც მესამე სექტორის წარმომადგენლებს საკუთარი საქმიანობის სფეროს იტერესებიდან გამომდინარე შეაჩრია.

პროექტის „თემთა მოზილიზაციის ინიციატივა“ ფარგლებში არასამთავრობო ორგანიზაცია ახალგაზრდა მეცნიერთა კავშირი „ინტელექტი“ დიდი ხანია თანამშრომლობს აჭარის ფინანსთა და ეკონომიკის სამინისტროსთან. სწორედ ამ თანამშრომლობიდან გამომდინარე „ინტელექტმა“ ხელი ურთიერთგაგების მემორანდუმს აღნიშნულ სამინისტროსთან მოაწერა.

მემორანდუმის მთავარი მიზანი გახლდათ ურთიერთანამშრომლობის ჩამოყალიბება სამინისტროსა და მესამე სექტორის შორის. ურთიერთგაგების მემორანდუმზე ხელმოწერის შემდეგ ორივე მხარემ აიღო ვალდებულება მიეღო და გაეცა რეკომენდაციები.

აჭარის ავტონომიური რესპუბლიკის ფინანსთა და ეკონომიკის მინისტრის თანამშემე - ევა

ბახტაძე ამბობს, რომ 2009 წლის იანვარში სტრატეგიული გეგმის დამუშავების პროცესში ფინანსთა და ეკონომიკის სამინისტრომ მოაწერა ოთხი დღის კუსია, რომელშიც მონაწილეობას იღებდნენ შემდეგი მიზნობრივი ვეგულები:

1. აჭარის ავტონომიური რესპუბლიკის სხვა დარგობრივი სამინისტროები, საექსპერტო მემორანდუმები, დეპარტამენტები, მთავრობის აპარატი;
2. არასამთავრობო ორგანიზაციები
3. ადგილობრივი ხელისუფლება/მუნიციპალიტეტები, აჭარის ავტონომიური რესპუბლიკის უმაღლესი საბჭო
4. ბიზნეს ორგანიზაციები და ინვესტორები

მისივე თქმით, 2009-2011 წლების სტრატეგიული გეგმის მომზადების პროცესში ზემოთ აღნიშნულმა ვეგულებმა სამინისტროს მიართვა რიგი შენიშვნები და რეკომენდაციები. ზოგიერთმა მათგანმა მიზანშეწონილობიდან გამომდინარე პოუვა ასახვა სტრატეგიულ გეგმაში. „სტრატეგიულ გეგმაში გათვალისწინებულ შემდეგი შენიშვნები და წინადადებები, და ამასთან ზოგიერთი მათგანი უკვე სრულდება: იხეხება საშუალო ვადიანი სამოქმედო გეგმა, დაგეგმილია რეგიონის ეკონომიკური პოტენციალის მქმთ ანალიზის გაკეთება, დაგეგმილია საბიუჯეტო პროცესის დახვეწა და დეტალური

ზაცია, გათვალისწინებულია ბიუჯეტის დაგეგმვისას მათთან დაკავშირებული შენიშვნები, მენარმეებისა და ინვესტიციების მხრიდან საინფორმაციო გარემოს გაუმჯობესების მოთხოვნა ასახულია საინვესტიციო პროექტების მართვის დეპარტამენტის აქტივობებში, იგეგმება საინფორმაციო ცენტრის გახსნა, სამინისტრო მუშაობს მცირე მენარმეთა ბაზის შექმნაზე, სამინისტრო აქტიურად ითანამშრომლებს მუნიციპალიტეტების ეკონომიკურ სამსახურებთან ქონების ინვესტიციების და რეგისტრაციის მიზნით — რაც შედეგად მოგვეცემს მუნიციპალიტეტების მოსახლეობის ჩართულობას პრივატიზაციის პროცესში. სტრატეგიული დაგეგმვის გარე შეფასება შესაძლებელი გახდება დანიტრესუბელ მხარეებთან შეხვედრების ჩატარებით, რაც განერილია სტრატეგიულ გეგმაში ერთ-ერთ აქტივობად.

სამინისტროს შეზღუდული ფინანსური რესურსების გამო სტრატეგიულ გეგმაში არ შევიდა სამინისტროებს შორის ელექტრონული ქსელის შექმნის, სერთიფიკატების, ნებართვების ელექტრონული ფორმით გაცემის საკითხი. სტრატეგიულ გეგმაში არ შევიდა ტელეპროექტის მომზადების იდეაც, თუმცა აჭარის ტელეეზო-ამ ცოცა ხნის წინ დაიწყო ყოველკვირეული გადაცემა „დროის ვექტორის“ გამგება, რომელშიც სამინისტრო აქტიურად მონაწილეობს.“

საკავთო ჩანართი მომზადებულია ევროკავშირის ფინანსური მხარდაჭერით. ტექსტში მოყვანილი მოსაზრებები შეიძლება არ ემთხვეოდეს ევროკავშირის ოფიციალურ პოზიციას.

ინტელექტი
საკავთო ჩანართის გამოსცემს ახალგაზრდა მეცნიერთა კავშირი „ინტელექტი“

საკავთო ჩანართის რედაქტორი: მურანაშა შპინიძე
საკავთო ჩანართი „თემთა ინიციატივა“ მისამართი: ბათუმი, რუსთაველის გამზ. №25
ტელ: 77415, ფაქსი: 77126
ელ.ფოსტა: info@intellect.org.ge
ვებ.გვერდი: www.intellect.org.ge